



29. april 2015

Inatsisartut suleriaasianni § 37 imm. 1 naapertorlugu Naalackersuisunut ima apeqquaqarpunga:

(Inatsisartuni ilaasortaq, Sara Olsvig, Inuit Ataqatigiit)

Naalackersuisunut apeqqutit:

- 1) Inatsisartuni 2011-mi ukiaanerani ataatsimiinnermi Inatsisartunut ilaasortaq Inuit Ataqatigiinneersoq Aqqaluaq B. Egede Inatsisit tunngaviusut piareersarlugit suliarineqarnissaat aallarnisarneqalereqqullugu tunngaviusumik inatsiseqalernissarput siunertaralugu Isumalioqatigiissitamik pilersitsinissaq aalajangiiffissatut siunnersuuteqarpoq. "Kalaallit Nunaannut inatsisit tunngaviusut pillugit isumalioqatigiissitamik pilersitsinissaq pillugu Inatsisartut aalajangiinissaannut tunngaviusussamik nassuiaammik kingusinnerpaamik 2012-ip naanerani Inatsisartunut saqqummiussinissamik Naalackersuisut peqquneqarput. Nassuiaammik tamatumingga Inatsisartut oqaluuserinninnerat tunngavigalugu aalajangiiffigissatut siunnersuummik 2013-imi ukiakkut ataatsimiinnissami suliarineqartussamik saqqummiussinissamut Naalackersuisut peqqussallugit" Inatsisartunit aalajangiunneqarpoq. Suliaq taanna sumut killippa?
- 2) Inuit Ataqatigiit isumaqarpugut tunngaviusumik inatsisiliornermut suliaqarnissaq pisariaqartoq politikikkullu Nunatta tunngaviusumik qanoq naleqartitaqarnissaanik oqallinnermut aqqtissiuusseqataasinnaasoq. Naalackersuisut qanoq isumaqarpat?
- 3) Suliaq pineqartoq unitsikkallarneqarsimappat aallartisarneqarsimangippalluunniit Naalackersuisut maannakkut aallartinniarpaat?
- 4) Saammaasseqatigiinnissamut suliaqarnermi tunngaviusumik inatsisiliornissaq arlaatigut ilaatinneqarpa?

Tunngavilersuut:

Inuit Ataqatigiinnit 2011-mi tunngaviusumik inatsisiliornissamut isumalioqatigiissitamik pilersitsisoqarnissaa siunnersuutigaarput. Isumaqarpugut tunngaviusumik inatsisiliornissamut suliaq inuiattut inuiaqatigiittullu tunngaviusumik naleqartitatsinnik oqallinnermi aqqusaartariaqakkatta ilagigaat.

Tamatuma saniatigut Namminersoneq pillugu inatsisip Nunatta namminiilivinnissaanik periarfissippaa. Namminiilivinnissaq tamanna inuiaqatigiit qiterpiaanit suliarisassatut isigaarput. Inuiaqatigiit qanoq ittut pigissanerlugit oqallisigissallugu tassunga atasutut isigaarput, tunngaviusumillu inatsisiliorneq tassunga atussasoq isumaqarpugut.

Suliap taassuma isumalioqatigiissitanik pilersitsinikkut aallartisarsnissaa ullumikkut 2011-misut pingaaruteqartigisutut isigaarput. Saammaasseqatigiinnermut ataatsimiititaliaqartugut ilisimavarput paaserusupparpullu tunngaviusumik inatsisiliorneq suliamut tassunga ilannguttussatut Naalackersuisunit pilersaarutaanersoq. Apeqqutit ullut suliffiit qulit qaangiutsinnagit akeqquneqarput.